



"MEYAKINI KEMENANGAN ISLAM"

الْحَمْدُ لِلَّهِ الْقَائِلِ: وَعَدَ اللَّهُ الَّذِينَ ءَامَنُوا مِنْكُمْ وَعَمِلُوا الصَّالِحَاتِ لَيَسْتَخْلِفَنَّهُمْ فِي الْأَرْضِ كَمَا اسْتَخْلَفَ الَّذِينَ مِنْ قَبْلِهِمْ... ﴿٥٥﴾ .

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.

أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى: يَأَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ.



Sidang Jumaat Yang Dirahmati Allah,

Saya menyeru dan berpesan kepada sidang jemaah sekalian agar kita bersama-sama meningkatkan ketaqwaan kepada Allah SWT dalam diri kita dengan menghayati seluruh Syariat Islam di dalam kehidupan di samping taat mengerjakan segala yang diperintahkan dan menghindari segala larangan-Nya. Semoga hidup kita akan sentiasa dirahmati dan diberkati di dunia ini dan berbahagia di akhirat kelak.

Sidang Jumaat Yang Dirahmati Allah,

Allah menjanjikan kepada umat Islam bahawa mereka akan mencapai kemenangan ke atas musuh-musuh mereka dan memerintah semula mukabumi ini dengan syariat Islam. Namun amat menyedihkan apabila ramai di kalangan umat Islam yang seakan tidak percaya dengan kemenangan Islam. Pergantungan mereka kepada pengaruh dan kekuatan bukan Islam membuktikan mereka tidak yakin kepada kemenangan Islam. Runtuhnya nilai moral dan akhlak mereka juga turut membuktikan keraguan mereka kepada kegemilangan Islam. Ada di kalangan umat Islam yang menganggap realiti yang wujud pada hari ini tidak memungkinkan Islam memerintah dan menguasai dunia.

Memang benar suasana pada hari ini tidak menyebelahi umat Islam. Kebanyakan Negara-negara umat Islam berada dalam kemunduran, peperangan dan kacau bilau di samping musibah bencana alam dan seumpamanya. Selain itu kebanyakan Negara Islam bergantung kepada bantuan negara bukan Islam dalam menguruskan ekonomi mereka sehingga terpaksa tunduk dan patuh serta mengikut telunjuk mereka.



Justeru, tidak hairanlah sesetengah daripada kita tidak yakin dan percaya kembalinya Islam ke era kegemilangannya. Bukan sahaja tidak mempercayainya, malah ada di kalangan umat Islam tidak bangga menjadi orang Islam, menukar penampilan kepada cara dan budaya hidup bukan Islam dan apa yang paling menakutkan ialah ada yang sanggup menukar agamanya menjadi murtad.

Ini adalah gambaran kepada muslim yang rapuh dan longgar imannya. Mereka menilai dan menimbang sesuatu perkara dengan timbangan kebendaan. Mereka melupakan tentang sunnatullah. Mereka lupa bahawa tiada kuasa yang akan kekal selama-lamanya. Kesemuanya akan mengikut putaran sebagaimana Firman Allah SWT dalam surah Ali Imran ayat 140;

.....وَتِلْكَ الْأَيَّامُ نُدَاوِلُهَا بَيْنَ النَّاسِ..... ﴿١٤٠﴾

"...Demikian itulah keadaan hari-hari (dunia ini dengan peristiwa-peristiwa kemenangan atau kekalahan), Kami gilirkannya antara sesame manusia..."

Sidang Jumaat Yang Dirahmati Allah,


Terdapat banyak ayat Al-Quran yang menjanjikan kemenangan dan pertolongan Allah kepada umat Islam. Antaranya, Firman Allah SWT dalam surah As-Shaaf ayat 9:

هُوَ الَّذِي أَرْسَلَ رَسُولَهُ بِالْهُدَىٰ وَدِينِ الْحَقِّ
لِيُظْهِرَهُ عَلَى الدِّينِ كُلِّهِ وَلَوْ كَرِهَ الْمُشْرِكُونَ ﴿٩﴾




"Dialah yang telah mengutus Rasul-Nya (Muhammad) dengan membawa petunjuk dan agama yang benar (agama Islam), untuk dimenangkan dan ditinggikannya mengatasi segala agama yang lain, walaupun orang musyrik tidak menyukainya".

Begitu juga firman Allah SWT dalam surah ar-Ruum ayat 47:

... وَكَانَ حَقًّا عَلَيْنَا نَصْرُ الْمُؤْمِنِينَ 

"...Dan sememangnya adalah menjadi tanggungjawab Kami menolong orang yang beriman".

Ayat-ayat tersebut menceritakan mengenai kemenangan yang akan dinikmati oleh umat Islam. Tidak perlulah kita berasa lemah dan sedih dengan tipudaya dan rancangan jahat musuh-musuh Islam untuk menghancurkan Islam dan umatnya. Apa yang mereka lakukan dan cita-citakan telah dijelaskan oleh Allah SWT dalam surah As-Shaaf ayat 8:

يُرِيدُونَ لِيُطْفِئُوا نُورَ اللَّهِ بِأَفْوَاهِهِمْ وَاللَّهُ مُتِمُّ نُورِهِ
وَلَوْ كَرِهَ الْكَافِرُونَ 

"Mereka sentiasa berusaha hendak memadamkan cahaya Allah (agama Islam) dengan mulut (ucapan-ucapan dusta) mereka. Allah tetap menyempurnakan cahaya-Nya sekalipun orang kafir membencinya".

Sidang Jumaat Yang Dirahmati Allah,

Selain daripada ayat-ayat Al-Quran, hadis-hadis Nabi juga turut menceritakan khabar gembira mengenai kemenangan Islam dan umatnya.



Antaranya hadis daripada Tamim Ad-Dari R.A bahawa Rasulullah s.a.w bersabda yang bermaksud;

"Pasti akan sampai Islam sebagaimana sampainya malam dan siang...."
(Riwayat Ahmad)

Daripada hadis ini jelas membuktikan janji Allah bahawa Islam akan tersebar ke seluruh pelusuk alam walaupun mendapat tentangan dan halangan daripada musuh-musuh Islam. Ini dapat disaksikan bagaimana sesetengah tempat yang tersangat jauh dalam peta dunia turut menerima cahaya Islam.

Rasulullah s.a.w. menggambarkan kepada kita walaupun buruk sekalipun keadaan umat Islam, namun di sana pasti ada golongan yang akan menyeru dan menegakkan kebenaran. Hadis daripada Sa'd R.A bahawa Rasulullah s.a.w bersabda yang bermaksud;

"Sentiasa ada satu golongan daripada kalangan umatku yang menzahirkan kebenaran tidak akan memberi mudarat kepada mereka orang yang meninggalkan mereka sehingga datang hari kiamat dan mereka dalam keadaan tersebut"
(Riwayat Muslim)

Rasulullah s.a.w juga turut mengkhabarkan berita gembira mengenai peperangan akhir zaman antara orang Islam dan Yahudi, kemunculan Imam Mahdi dan turunnya Nabi Isa a.s.

Dalam sebuah hadis bahawa Rasulullah s.a.w bersabda yang bermaksud;

"Tidak akan berlaku kiamat sehinggalah orang Islam memerangi orang Yahudi". mereka akan dibunuh oleh orang Islam sehingga orang



Yahudi terpaksa bersembunyi di sebalik batu dan pokok lalu batu dan pokok berkata: "Wahai orang Islam! wahai hamba Allah! di belakangku ada orang Yahudi datanglah dan bunuhlah dia", melainkan pohon Gharqad tidak memberitahu adanya orang Yahudi berselindung dibelakangnya kerana ia daripada pohon Yahudi".

(Riwayat Muslim)

Apa yang kita lihat pada hari ini berkumpulnya bangsa Yahudi daripada seluruh dunia di bumi Palestin membuktikan kebenaran hampirnya janji Allah mengenai kekalahan mereka. Tiada siapa pun sebelum ini yang menyangka bahawa bangsa Yahudi akan tinggal menetap dan berkumpul di Palestin.

Sidang Jumaat Yang Dirahmati Allah,

Ayat-ayat Al-Quran dan hadith-hadith Nabi yang dibacakan sebentar tadi seharusnya mendatangkan keyakinan dan semangat kepada kita mengenai kemenangan Islam dan umatnya. Namun ramai yang lupa bahawa kemenangan umat Islam tidak akan datang melainkan setelah kita memenuhi kehendak dan syarat yang ditetapkan oleh Allah SWT. Ia tidak datang dengan mudah dan sekelip mata tetapi kemenangan itu akan datang dengan pengorbanan dan susah payah. Ia tidak cukup dengan keyakinan semata-mata tanpa melakukan apa-apa. Ia juga tidak cukup dengan doa dan solat hajat semata-mata. Justeru, banyak lagi usaha dan pengorbanan yang perlu kita lakukan.

Firman Allah SWT dalam surah Muhammad ayat 7:



يَا أَيُّهَا الَّذِينَ ءَامَنُوا إِن تَنصُرُوا اللَّهَ يَنصُرْكُمْ وَيُثَبِّتْ
أَقْدَامَكُمْ



"Wahai orang yang beriman, kalau kamu membela (agama) Allah nescaya Allah membela kamu (untuk mencapai kemenangan) dan meneguhkan pendirian kamu".

Ayat ini jelas membuktikan bahawa pertolongan Allah akan datang jika kita menolong agama Allah. Justeru, adalah menjadi tanggungjawab bagi setiap orang daripada kita untuk menyampaikan risalah Allah, berdakwah menyampaikan ajaran Islam, menyuruh kepada ma'ruf dan mencegah daripada kemungkaran, menegakkan dan mempertahankan syariat Allah ataupun apa sahaja usaha dan sumbangan yang boleh kita lakukan untuk faedah Islam dan umatnya. Jika ini kita lakukan, maka pasti pertolongan Allah akan datang menyelamatkan kita.

Sidang Jumaat Yang Dirahmati Allah,

Sedarlah, bahawa musuh-musuh Islam sejak dahulu sentiasa bersatu dalam memerangi umat Islam walaupun mereka berlainan agama, bangsa dan keturunan. Mereka sanggup melakukan apa sahaja membelanjakan jutaan ringgit semata-mata untuk menyesatkan dan menyelewengkan umat Islam daripada ajaran Islam yang sebenar. Malangnya kesatuan sebegini tidak wujud di kalangan Negara-negara umat Islam. Hatta dalam isu Palestin pun umat Islam masih lagi bertelagah apatah lagi dalam isu-isu yang lain. Ingatlah perpecahan di



kalangan kita akan menghalang kemenangan dan memudahkan penguasaan musuh.

Firman Allah SWT dalam surah Al-Anfal ayat 46;

...وَلَا تَنَزَعُوا فِتْفَشْلُوا وَتَذْهَبَ رِثْكُكُمْ ...

"...Janganlah kamu saling berbantah, lalu menyebabkan kamu menjadi lemah semangat dan hilang kekuatan..."

Oleh itu, marilah kita kembali kepada ajaran Al-Quran dan As-Sunnah kerana jika kita meletakkan Al-Quran dan As-sunnah mengatasi segala-galanya maka sudah pasti kita tidak akan dihina dan diperlekehkan oleh musuh-musuh Islam. Kita juga hendaklah terus berbangga menjadi orang Islam, memiliki Al-Quran sebagai panduan dan hidayah, menjadi umat yang berpegang dengan ajaran Islam yang kekal sehingga ke akhir hayat. Yakinilah dengan kebenaran Islam pasti pertolongan dan kemenangan daripada Allah akan menyebelahi kita. Allah SWT pasti akan menolong hambanya yang beriman. Ingatlah bagaimana Rasulullah s.a.w dan para sahabatnya tidak mempunyai kekuatan persenjataan tetapi mencapai kemenangan dengan kekuatan iman mereka.

أَعُوذُ بِاللَّهِ مِنَ الشَّيْطَانِ الرَّجِيمِ
وَلَقَدْ سَبَقَتْ كَلِمَتُنَا لِعِبَادِنَا الْمُرْسَلِينَ ﴿١٧١﴾ إِنَّهُمْ لَهُمُ
الْمَنْصُورُونَ ﴿١٧٢﴾ وَإِنَّ جُنَدَنَا لَهُمُ الْغَالِبُونَ ﴿١٧٣﴾



"Sesungguhnya telah tetap janji Kami bagi hamba-hamba Kami yang diutus menjadi Rasul. Bahawa sesungguhnya merekalah orang yang diberikan pertolongan. Dan sesungguhnya tentera Kami (orang yang beriman) itulah yang pasti menang".

(As-Shaffat: 171-173)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا
مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ، لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ، وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ
الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ فَازَ
الْمُتَّقُونَ. قَالَ اللَّهُ تَعَالَى: إِنَّ اللَّهَ وَمَلَائِكَتَهُ
يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا
عَلَيْهِ وَسَلِّمُوا تَسْلِيمًا.



اَللّٰهُمَّ صَلِّ وَسَلِّمْ عَلٰى سَيِّدِ الْمُرْسَلِيْنَ وَارْضَ
اَللّٰهُمَّ عَنْ اَصْحَابِهِ وَقَرَابَتِهِ وَاَزْوَاجِهِ وَذُرِّيَّاتِهِ
اَجْمَعِيْنَ.

اَللّٰهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ
وَالْمُؤْمِنَاتِ الْاَحْيَاءِ مِنْهُمْ وَالْاَمْوَاتِ، اِنَّكَ سَمِيْعٌ
قَرِيْبٌ مُّجِيْبُ الدَّعَوَاتِ وَيَا قَاضِيَ الْحَاجَاتِ. اَللّٰهُمَّ
اِنَّا نَسْأَلُكَ وَنَتَوَسَّلُ اِلَيْكَ بِنَبِيِّكَ الْاَمِيْنِ، وَنَسْأَلُكَ
بِاسْمَائِكَ الْحُسْنٰى وَصِفَاتِكَ الْعُظْمٰى اَنْ تَحْفَظَ بَعِيْنَ
عِنَايَتِكَ الرَّبَّانِيَّةِ وَبَحْفَظِ وَقَايَتِكَ الصَّمَدَانِيَّةِ، جَلَالَةَ
مَلِكِنَا الْمُعَظَّمِ سُلْطَانَ سَلَاعُورَ، سُلْطَانَ شَرَفِ الدِّيْنِ
ادريس شاه الحاج ابن المرحوم سُلْطَانَ صَلَاحُ الدِّيْنِ
عبد العزيز شاه الحاج.

اَللّٰهُمَّ اَدِمِ الْعَوْنَ وَالْهَدَايَةَ وَالتَّوْفِيقَ، وَالصِّحَّةَ
وَالسَّلَامَةَ مِنْكَ، لَوْلِيَّ عَهْدِ سَلَاعُورَ، تَعَكَوْ اَمِيْر شَاه



إِبْنِ السُّلْطَانِ شَرَفُ الدِّينِ اَدْرِيسِ شَاهِ الْحَاجِ فِي
أَمْنٍ وَصَلَاحٍ وَعَافِيَةٍ بِمَنِّكَ وَكَرَمِكَ يَا ذَا الْجَلَالِ
وَالْإِكْرَامِ. اَللّٰهُمَّ اَطِلْ عُمْرَهُمَا مُصْلِحِيْنَ لِلْمُوظَّفِيْنَ
وَالرَّعِيَّةِ وَالْبِلَادِ، وَبَلِّغْ مَقاصِدَهُمَا لِطَرِيقِ الْهُدٰى
وَالرَّشَادِ.

Ya Allah, Engkaulah Tuhan yang berkuasa, kami bersyukur kehadiran-Mu yang melimpahkan rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri idaman, maju, sejahtera dan berkebakikan.

Justeru, kami pohon kehadiran-Mu ya Allah, tetapkanlah iman kami, tingkatkanlah amal kami, kukuhkanlah perpaduan kami, murahkanlah rezeki kami, tambahkan kami dengan ilmu dan kemahiran, suburkanlah jiwa kami dengan akhlak mulia, lindungilah kami daripada ujian-Mu yang berat seperti kemarau panjang, banjir besar, wabak penyakit, persengketaan, kemiskinan dan lain-lain, supaya hidup kami akan sentiasa bertambah makmur dan berkat.

Ya Allah, bukannya hati kami, untuk melaksanakan ibadah zakat sebagaimana yang telah Engkau fardhukan. Berkatilah hidup orang yang melaksanakan tuntutan berzakat, menyayangi fakir dan miskin. Sucikanlah harta dan jiwa mereka, lindungilah golongan fuqara' dan masakin daripada kekufuran dan kefakiran yang berpanjangan.



Demikian jua Ya Allah, tambah dan luaskanlah rezeki orang yang mewakafkan hartanya di negeri ini, limpahkanlah nikmat iman dan kesihatan yang berpanjangan kepada mereka, terimalah wakaf mereka dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً
وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ
وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ
وَالْمُنكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ



فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ
نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ وَلَذِكْرُ
اللَّهِ أَكْبَرُ وَاللَّهُ يَعْلَمُ مَا تَصْنَعُونَ.